

甘肅府縣志輯

中國地方志集成

民國高臺縣志
嘉慶玉門縣志

中國地方志集成

甘肅府縣志輯 ④7

民國高臺縣志

光緒安西採訪底本

嘉慶玉門縣志

居延海

鳳凰出版社 ● 上海書店 ● 巴蜀書社

新纂高臺縣志序

爲政者諮獻而徵文則有以知其因革利病有所施設乃弗戾于俗而其地之所有亦必發其光氣焉高臺故無志而設治最古在漢晉間當樂涓會水表是諸縣封域不可詳其山有祁連合黎磅礴鬱積騁靈而聳秀又爲西陲周道關內外綰轂輻輳挽稱要區其民質樸而守禮教重信義猶古之遺願志乘缺不舉徐知事家瑞者余所署吏歷試有治效以令茲邑穀熟而民愉乃于興學勸工之隙發憤爲此志事雖草創而築基植礎以俟方來其勞于斯土閔且遠矣今之知事百政所賴賢者日不給不肖者逐益解弛以畢力于催科徐知事循循于庶事理而本治裕更能急人之所不急澡雪邊隅揚榷風物其可謂知務也已合肥張廣建

序二

管者姬代鏡寓肇掇國聞外史職掌眾纂方志春秋擣杙箸錄之簡姦興蘇黯董狐珥筦之倫雲薈逸世
邑志盡率于斯第邑無史官古誼寢默蒐殘網逸私家是賴汨夫通志犀崑徵集方志郡邑守令鼂諸夕
諏開館肩肩驚趨嚮集而后志乘始稍稍出焉揆厥譔述蓋有三難史鴻未諳從事編纂本末迕舛詞指
蕪穢一難也暢達史例拙于屬辭巴曲郢說連篇彙牘二難也製資衆手成非一人雅鄭雜奏薰蕕並列
三難也雖然文獻零落攷古之羞典章湮晦守土之責若必埃班馬博學而后言操觚後陳范瓊材而后
語授簡則草昧結繩胡可記事夏五郭公悉成疑讞拼方徠覽古之士得毋悄然生無涯之喟者乎隴右
行省僻處邊徼各縣志乘闕焉弗備高臺一邑尤瀕西極文化宣穫紀載闕寥崆峒雲霧淒迷黃帝之宮
弱水舟迴縹渺神禹之蹟閭僞之彥靈焉傷之徐令李清權篆斯邑下車伊始百廢具舉陟北涼之故城
問天竊欸弔西臺之隕址望古遙集甄材鄧林珠赤水月不數匝剋期卒業郵致藁本問序于余夫其
華路藍縷弗避艱辛大輅椎輪罔憚劬瘁其志已可嘉矣若迺綱舉目張條分件繫繩以史例大端不整
其有出入亦時代所扼匪故抉藩掖覽之餘間加商榷隙厥一得曾不慙屏佗日授之副墨傳彼維誦絜

諸古名志雖未案奚若而榛荆既闢先馬可導齋章甫于荒壤玉塞于焉含溫植橘柚于玄朔龍沙爲之
益耀送之履斯域者采風月湖之濱觀政蝦崖之麓崇山峯客毋忘簣土巨川滇沔溯源勺波庶亦獲所
憑藉歟

中華民國十年歲次辛酉冬月甘肅督軍銅山陸洪濤序

序三

肅州在漢爲酒泉自武帝斥地開境擊西羌築令居遂廓版圖而郡縣之然紫塞負險玉門阻兵祁連之戌平川之堡古所稱爲羈縻之州者大抵重武衛而輕文教其宦蹟之著者率以邊功顯若漢段彭翟酈之守酒泉唐公孫武達之刺肅州其尤章章也余考漢志酒泉編戶萬八千元史裁千二百戶迺不逮漢之什一以戶籍之登耗考邊陲之沿革則吏治之闡葺風俗之皆窳財力物力之凋敝可知矣歲辛酉余攝甘肅省長篆嘗與僚友以勤求治理相勗勉每歎天水隴西漢置列郡涇原平涼唐隸諸道而數千年來曠土同於甌脫聲教阻於遐荒不可無西蜀文翁之化以風動之而徐君家瑞適宰高臺惴惴無華獨能以經術潤吏治簿領餘閒復修輯邑志以體例相商推時余方執掌而未遑也比余解組歸君亦旋倦游而返乙丑孟夏君修志竣而問序於余高臺僻在邊徼文獻罕徵君之修志視他邑爲尤難余是以樂而序之且君挂櫬旣數年而惓惓不忘於舊治者如此如之何而使民之忘之也庚棄楚居畏疊之山三年而歲則大穰君嘗以邊區磽瘠無川澤之利山林之饒迺採木棉之種徧栽於四境因勢而利導之今已蔽芾如甘棠矣貨殖有傳食貨有志其裨益於利用厚生者甚大亦紀物產所不可闕也例得附書二等寶光大綬嘉禾章前護甘肅省長陳闇序

序四

高臺一邑北瞰朔漠南矚祁連東賤羌谷西隄嘉峪矜喉邊陲綰綬絕徼蓋所謂防禦之阻道隴中之陝區者也若其擷菁金天肇煦義馭田疇肥沃華實靈樞渠流衍瓊富媪貢祕猗其盛已第地介遐僻文物晦塞縣志之修闕焉弗備余昔於甲寅權宰斯邑更歷三稔雖于學校之建置道路之修治風俗之整飭輒具規畫而志乘一端有志蒐輯卒未遑暇今歲巡視蘭山駐轡會垣適徐君季清新纂志成問序于余細繹既竟竊歎其致力之勤用心之苦而余昔年未逮之志亦藉以稍慰不其禕乎又嘗以爲志乘之事關乎史學昔章氏實齋斷斷乎二便三長八忌四要是以操觚之倫偶或不慎舉趾卽躓矧夫言志于高臺蕞蹙之况倍蓰他域何則向無志書傳估剏造甄集接訪輒罣荆棘草昧未肩典籍寥落童山确壤無所取材具斯二難才者赳赳今觀茲編體例精案攷證詳確洵有美以必臻信難能而可貴而黃帝之遺蹟神禹之往蹟愈益符采炳麟昭煥粲爛焜耀來葉垂眎億載其功尤鉅其志丕褊遂迺幸莫悤引傳諸維誦云爾

民國十年巡視蘭山道屬使者前高臺縣知事宜興徐仁鑑序

...

...

...

序五

今之談時務者動曰文明進化矣而運會所趨潮流蕩激世道駸駸乎日非救其弊者是在勵氣節以正人心維綱常以端風俗第不借前車之鑒爲後事之師仍茫然無所觀感則修志尙已夫志者史也縣志者卽史家誌地理之遺也吾邑自漢設治以來始稱樂涑屬酒泉郡迄乎前清沿明高臺所定名高臺屬肅州直隸州其間滄桑屢經邊鄙遠雖畸材魁碩之代興無裨官野乘之可考文獻不足良用慨然清光緒中邑令陳公抱積學負時望念軼行之無徵將從事於蒐輯以募資遭謗橫生阻撓遂寢其議民國肇造夏歷庚申之歲嘉定徐公季清由金塔令移治於此甫下車延耆舊廣諮博詢徵求故實毅然以修志爲己任而興禮立樂首重祀事捐俸建名宦鄉賢忠義節孝四祠俾崇風教他如振興學校傳習工藝勸種棉以厚民生掩枯骸以弭疹癘百廢具舉政令一新高民歌來暮焉須敬適里居搯樞政朝夕奉徐公教言乃呂士紳農商於縣庭徐公勦議設志局從事纂輯不避艱辛屬須敬分任其勞須敬甄錄之暇見夫徐公任事之毅披輯之勤考證之博私相欽歎稿既脫徐公更付聚珍版以期流傳毋使遺失是卽徐公之所以正人心端風俗者胥於斯志見之已而翊贊之勤則錢君續夫爲力多也後之人流覽篇章景行賢哲其亦奉爲圭臬而矜式之以永永於無窮乎

序六

高臺居南北兩山之間控扼番蒙爲出塞衝途自前清雍正間併所升縣歷春秋二百有餘紀而志乘闕如誠憾事也夫吾邑文獻雖鮮可徵而父老流傳詎無可採矧咸同以來滄桑變易兵燹摧殘其間貞魂毅魄俠氣英風足令人俯仰感慨可歌可泣者指不勝屈假令烟銷塵滅與草木同腐致使上下數百年軼事幽光莫由闡發後起者茫乎莫據雖欲傳無可傳焉不尤爲憾事耶邑侯徐公鳴琴吾邑政績爛然剗精揆思勒爲一志舉吾邑人之有志未逮者而毅然爲之舉吾邑人之分任不遑者而獨力任之自今伊始舉吾邑山川城郭人文風俗以及文物制度忠孝節義莫不因鴻藻潤色而顯於當時傳於後世于斯歎賢邑侯之卓識偉度爲不可及也已邑人薛樹勳謹序

新纂高臺縣志自序

縣之有志猶家之有譜國之有史也志也者所以紀一縣之山川經界人文物產政教風俗也其所關豈淺鮮也哉歲庚申夏瑞奉檄綰高篆視事後清理卷牘飭吏檢志書則以無纂本對心竊異之夫高臺爲古樂涪地設治既久何至上下一千載竟無一人焉爲之編輯而成書耶顧言之易而行之維艱良以地處邊陲化同草昧既無書籍又乏通材此而欲徵文考獻洵戛戛乎其難之雖然旌善闡幽有司之責一歌一謠軒車採焉迺自漢唐以來海田屢變保無有忠臣孝子義士畸人節婦烈女之湮沒其間而弗彰者乎矧國體新更今昔異形若不於此時而纂述之恐遲之數百年後將更有不知魏晉之嘆矣瑞於是乎不揣固陋毅然而爲之重採訪以求核實彷彿體例以期合格詳考證以免附會區區之私無非欲以紀一縣之山川經界人文物產政教風俗已耳或者曰志者史也無史之才學識不足以言志瑞才同襤褸愧無學識且綜兵刑錢穀之繁於一身倉猝無暇細究明知罣漏錯誤之譏在所不免不過留此稿本作爲辭命之草創若夫修飾而潤色之則有待於後之君子也遑云才學識乎哉志既成姑弁數言以爲都人士告

中華民國十年十月江蘇嘉定徐家瑞敘於高臺縣署虛鑑堂

高臺縣修志銜名

總審定

國務院存記簡任職 甘肅省長兼督軍署秘書長清舉人二次保送經濟特科選用郎中 程先甲

總纂

簡任職升用 原任固原縣知事調署高臺縣知事前清舉人內閣中書日本東京高等工業學校畢業 徐家瑞

幫總纂

一等金色章 前清山西候補府經歷附貢生 現充高臺縣公署科員 錢昌緒

分纂

一等金色章 前清分省補用府經歷歲貢生 現充高臺徵收局局長 閻須敬

高臺縣視學前清廩生甘肅省立師範學堂畢業 王攢儒

校對

清分省直隸州判恩貢生現充江蘇賑務處委員 吳前楨

經理